



12333

仲蔚先生集卷之四

七言古詩

金陵薦



吳郡俞允文著



江南佳麗地金陵帝王州嘗聞謝朓為此曲我
 欲竟此令人愁憶昔秦皇恣驕侈千古爭雄鑿
 淮水朱衣卒苦三千人不及蓬萊身已死當時
 望氣復占牽六代興亡事可憐一旦雄圖若泯
 水五城蕪沒埋荒烟烟卷三月流鶯嚙撲地香
 俞仲蔚先生集八卷之四 一 黃淵判

林盡天苑結綺臨春空復情景陽鐘散臺城晚
 傷心鉛粉共灰塵百斛流脂瀉水銀碧館金臺
 歌舞地萋萋草色倍傷神詞臣舊住清谿側江
 沈風流難再得謝家春草今何如令人却憶平
 原宅孫楚城西酒樓客桓伊好吹柯亭笛山中
 宰相松間風謝安自有東山奕長蔬隱士北山
 中鶴書一赴蕙帷空只今惟有移文在清俸哀
 怨何時窮文采豪華不復存自是昏庸曆數屯
 由來虎踞龍蟠地今日承乾有 聖人聖人神

武一朝征定鼎山河萬國寧全憑寶勢開天邑
營作金城遠帝京天邑帝京連帝里丹宮璧殿
天中起宮餘百數殿千重異色參差望成綺七
萃連營禁衛尊列侯甲第俯朱門虹旗錦簇齊
天仗王道香留碾繡輪徽道周廬迴地軸提封
百萬分侯服重譯遙通百蠻貢千品來朝九州
牧聲名文物盛陽春寶契無為德澤新廣樂鈞
天昭景祚謳歌率土奉還淳瑞拱垂旒御區宇
共識承恩有真主旋聞厭代忽登遐鼎湖一去

俞仲蔚先生集

卷之四

二

成千古千古登遐事已仙時時佳氣遶龍阡冠
蓋如雲秦陵邑長瞻法座仰堯天憶昔家君薄
游此余亦童年纔一紀朝看尊騎滿長安暮聞
擊柝傳三市長安三市控繁華戚里權門意氣
奢鐘鳴鼎食金張館饌玉炊金許史家公子王
孫驩不足還向娼樓夜中宿琥珀杯深脫紫絨
芙蓉帳暖鋪銀燭玉局彈棋不論錢花塲蹴鞠
關芳年鳳凰臺下千金騎瑪瑙山前七寶鞭俱
遶少娥芳草偏笑比紅顏拾花片更憐月色滿

長干櫓引簫聲供高宴秦淮五月天氣清楚俗
相傳弔屈平共泛龍舟乘浪轉競移蘭採向潮
迎疊鼓華翰望標入矢水新妝相對出須臾
氣結婆城髻鬢犀光照鮫室增奇特妙在茲辰
迴雪行雲詎可論驩娛未盡欲歸去更待明年
淮水濱春去秋來不相待富貴驩娛有遷改黃
金散盡顏色衰桑田屢變成滄海鄭莊門館日
飄零翟尉交情見死生蔡澤還傾應戾相魏其
不及武安榮以茲感歎傷懷抱梁父長吟對秋
俞仲蔚先生集卷之四
三

揚花落

春風吹人氣妍和揚花落水生綠波少年幾時
逐事淺白日易晚傷蹉跎袖中有書不肯上五
侯門前曾未過燕丹市裡堪擊筑酒酣樂極哀
情多哀情多可奈何昔日豪華勢莫敵朱樓綺

食揚清歌東方欲曙宴仍起薦地一一紫錦羅
博山鑪中灰已寒釁釁冢上生蓬科衰亦不可
盡樂亦不可常蓬萊之山路渺茫此中室有長
生方何人不死至今在我欲共看天地長君不
見人生萬事劇流水莊周至此齋壺殤

施源行

武陵溪深谿谷斜人家避秦多種花拖卷無數
映春菽片片還落秦人家地沒反無後狄生但
有雞犬連乘麻白雲飛來復飛去山裏人家幾
俞仙翁先生集入卷之四
家在當時捕魚何處歸歸去還尋復何處始知
人在溪山裏世人遙望空雲樹

胡笳曲

長風吹高海底月半落沁河色如雷胡笳寫出
隴頭聲千聲萬聲吹不歇此時都尉兵初盡此
夕單于陣方結沸地黃沙凍欲牢連天白草燒
難熟玉筋啼還徧紅顏坐相訣楊柳曲中離別
久梅花管裏音書絕胡笳本是後胡越曲曲緣
雲咽流水飛入重城怨已淡聽臨遙塞愁應死

誰知沙畔捲寒蘆一曲能消膽氣麤更使胡
雙淚落萬聲嘶月過飛狐

寶劍篇

吾聞龍泉太阿之寶劍此物往往鍾神英人間
得名千百載國內惟有徵求兵昆吾之穎茨山
精銀花繡出霜雪明星氣朝朝鵬鴉紫龍光夜
夜芙蓉生文章已足清朝貴勛業還為猛將驚
七雄五烈雖已矣報讐報恩心未已非但飄淪
古獄邊二曾提携楚城裏峰嶸磊落世兩見斷
俞仲蔚先生集卷之四
五
准
蛟刺兇竊所恥天下常令萬事平匣中不惜千
年瓦朝馳咸陽暮雲中此間未必皆成功但看
古來功名士殺身濺血俱英雄嗟哉神物會遇
亦有以至今升騰變化為飛龍

巫山高

楚國古巫山上有陽雲臺傳有神女何時來楚
王首日多荒淫神女為之久徘徊徘徊易闌寢
瑶衾亦已開千年夢冷雲不起只今唯有巫山
夜月清猿哀

塞上曲

高城秋落黃雲飛，胡人弓箭能射肥黑鷹。
突過百丈餘，白馬萬匹皆新羈。錦袍長袷綺繡襦，
玉帳貂狐捐漢衣。日暮蒼茫共百圍，李廣已死關
兵稀。漢代誰當窮朔漠，何人第一搦勛歸。

銅雀妓

朝登銅雀臺，暮望西陵樹。西陵樹斷高烟平，
歌吹淒涼襟風雨。雨後秋風吹月晴，紅顏難持淚
易傾。武帝遺靈復安在，向帳空餘千載情。

俞仲蔚先生集

卷之四

六

虎丘行

吳王墓前雙石壁，翠水沉沉魚花赤。香榆氤氳
遠綠烟，玉潭閔謚浮青蓮。生公說法開金偈，猶
自繁華昔遊地。今人繁華異昔時，古人行樂今
人悲。古人今人不相識，徒使流鶯淚霑臆。

闔雞蓋

春風吹花百草香，宮鶯曙轉銅龍光。雒陽清明
賜新火，天子出入驪山傍。驪山三月春茫茫，
翠華初入闔雞坊。闔雞隆隆翠塵滿，錦向鱗鱗

毛短狸膏氣濕氍蕨鞋紅雲膩血腥羅暖天子
傳呼賜賈昌五侯七貴爭雄長武騎才官為炯
張青駭金距莫相當貴里繁華矜是日六軍小
兒俱赫奕九衢雙闕夾飛龍萬戶千門動行色
千門萬戶無生涯日日承恩不到家憶昔開元
全盛日空令識者久咨嗟

春思曲

江南花時二三月少婦乘春逐芳節心性穩恹
含清真弄影晴川自流悅青絲刺帶錦作裳寶
扇輕搖翡翠光芒房露冷春窓火蘼迳烟開粉

俞仲蔚先生集

卷之四

七

宏

膩香七彩明璫九華佩氍毹文羅掩秋翠繡額
花叢千萬色玉腕奇姿散春媚含思緘情不相
識步步遺芳去無跡迴簪轉黛飛參差纔過東
城又南陌南陌東城春事淡離思杳杳花陰陰
坐對流鶯啼歇處閒窺清鏡理瑤琴晨鷗淒清
不可聞恨斷吳烟怨楚雲自是琴心挑不得還
同孤月向黃昏

明月引

明月入我懷又照青樓上青樓十年音信疏自
憐憔悴芙蓉帳芙蓉帳冷夢難通珠簾的的照
暎空漢宮思婦調砧切梁苑詞臣屬句工已看
落葉驚秋早影落銀牀淨如掃溥溥玉露夜河
殘幾處啼鵲怨特曉君不見關山萬里度應難
萬里隨人去不還只今織得鴛鴦綺定寄關山
茅茨山

大風歌

隆慶三年閏六月大風五日海水沸溢海壖

俞仲蔚先生集

八卷之四

八

之民被漂溺者殆以萬計作此紀之

胡天積氣盛鬱勃不得吐怒號長風倒海射飛
雨扶桑摧若木傾似將吹隨五岳与地平日月
不照耀萬竅以哀鳴天本無心當復何施或云
厭炎虐焦灼流膏脂唱白帝驅祝融清涼八區
欲使體寧而意充又胡不細察一齊人窮漂溺
萬姓害稼穡寒暑變俄頃邪氣還攻种獨抱疾
常邑邑天地至廣如不容願得塞土囊剗箕舌
微令飄冷以脩通然後披冲襟上蘭宮頌說聖

蘭草花

中園百草俱作花不及蘭花柰若何紫莖綠葉
搖素波回風蕩日氣妍和開幃捲幕芬藹多繁
絃急管送春歌結褵紉佩遺湘娥獨念孤芳与
衆異往往零落委江沱

囉螺茶歌

陽岷陰林草性靈囉螺二月茶芽生紫芽連卷
青未吐處處報春山鳥鳴高雲行空露華碧新
雷已過衆壑晴筠籠芳鮮採摘成谿口焙來誇

俞仲蔚先生集

八卷之四

十

至精壑源陽羨室有名自餘諸焙皆可輕豈知
天產合幽竊最後始出人更驚得之不減玉與
瓊開緘試新手自烹冽泉甘澄腴飴露綠烟旂
旒啼春鶯小呂初看火候勻精氣漠漠終蘭英
素瓷吹香淨肌骨往往似与真意并高齋晝眠
還獨醒靜待松月流孤清玉濛好飲不解飲陸
羽毀茶室有經枉使千峰待逋客無復雲霞淡
處行

姑蘇驛樓

高城如炬起長洲千山亂入青滿樓吳王歌舞
猶未休美人如花笑吳鉤西風吹急寒鳥落日
暮黃雲人正愁

妾薄命

隆慶二年春有訛言詔採江南女子充奉掖
庭一時民間聞之惶怖若狂雖紳冕之族往
徃不待媒妁造次結褵莫能禁制遂使年齒
失倫門素非偶薰蕕淪雜追悔無由竊以政
教不失其御則國無妖訛婚姻不失其時則
民無怨曠厥所由來誠非一日因約古詞摠
妾薄命一篇以憫其生不逢時而亦不敢專
有所刺也

俞仲蔚先生集

卷之四

十一

其

江南初月上春時忽訛丹詔採蛾眉自是潘揚
非舊匹由來河漢不言期喧喧簫鼓東西去寶
馬香車塞路垂家家共灑長門泣憂憂俱嫌隔
蒼遲不用黃金連理監須臾便結同心蘭蹇脩
寧藉禮花燭自成歡紛紛桃李競空取路傍觀
紛紛桃李競繁華飛來飛去落誰家一生誤嫁

嗟何及祇是妝成怨曉鴉

繡枕歌

太康何氏女嫁同縣劉氏七年而夫死輒出
嫁時所繡枕焚之其光中灼爍焰如蓮花比
夜半遂自經死人皆以為精誠所感余高其
行為詩歌以著其義烈云

劉家高行世所稱明心直與古烈并良人早殞
腸斷絕一朝身死鴻毛輕自憐嫁時雙繡枕百
絲纏綿情更甚願得終始當千齡願得千齡同

俞仲蔚先生集卷之四

十二共

一情鴛央機中不成匹枕上之淚何時晴迴持
雙枕燒作灰婉婉蓮花焰裏開焰裡蓮花燒不
滅蓮卷堪公明心潔望天自是感精誠當時一
哭梁山頌天長地遠恨難沒誰為飛章上帝京

周方伯遺滇南小魚歌

我公歸來覲軒轅滇南萬里無停軒遺我小魚
不盈尺魚皮貼鞘珠蹲蹲寶鐐照人如照水精
光黯与元氣存凜然相顧出寒液雄心未死口
不言始知蛟龍變化豈在大斯須勢与滄溟會

願得置之懷袖間
益壽延年辟災害
安用耿耿倚天外

松雲歌贈邑明府大梁王公

吾聞嵩山之天門
上有萬接之古松
千年莓苔積翠洗
不落龍鱗夭矯搖
青葱有時峰移岫轉
晦暖勢莫分片片
飛出蒼梧雲縈枝
透葉斷復續山光
而氣相氤氳松鬱
鬱雲陰陰其材可
棟大厦其潤可以
需甘霖神君為政
本同調對此徃徃
開雄心君不見王
喬之鳥處子琴形
骸俞仲蔚先生集卷之四十三
之外安可尋由來
君子貴遠託未許
常情知淺深

折楊柳送周別駕胤昌之武岡

江南折楊柳都逐上
春來楊柳初發時
衆花俱未開可憐
芳菲色直自間江
梅依依奕官渡連
連到章臺短條未
堪折長條已染苔
長條短條千萬條
一一盡向春風嬌
交垂翠織鴛鴦帶
合吹象棍鳳凰簫
共道青絲豚馬尾
縈烟卷雪絲
絲起長條折盡短
條長相別相思那
可忘思君

一別渡湘水巫峽巫山幾千里巫山巫峽盡啼
猿朝朝暮暮猿聲裏芳蘿已抽綠蘭翹又含紫
賈誼仍懷吊屈平長沙非復淹才子君行定得
幾年歸莫厭傷心楊柳枝與君為作楊柳曲曲
中併是係相思

燕臺歌送張師周入京

昭王昔日思雄才一言便築黃金臺黃金可輕
士可貴往往至今賢譽來何况天子坐明堂
宵衣旰食攬八荒榮光休氣編熾谷志士豈合
俞仲蔚先生集卷之四十四
空摧藏君有雄才世罕比兩世一家拖青紫時
人注意暫向君莫言別後無知己乘乾南玉河
北燕臺秋高磧雲黑料君此時才轉雄臺上黃
金是君得

征馬嘶送歸有光

白楊花飛江水黑江頭行人頭盡白青山日出
烟塵昏馬上誰為都門客都門豪客長安兒葡
萄百斛柳千絲戎裝玉駭邯鄲姬虎旗繡簇紅
鷄啼長安三月春未暮城中不見遊人歸遊人

歸醉滿堤青草長征馬嘶

范公柏歌贈三晉王公

范公種柏講堂前種時不知今幾年年多岨強
鱗甲折上株擘裂下株連一株倒生欲垂地此
豈有意皆天然目燥心開脂髓良沉沉古色破
新光氣竒已歷將軍坐節勁還凌御史霜世人
見之皆愛惜不獨此樹傳芬芳更聞靈寶尤堪
餌餌得長生赤松子此日王喬飛鳥來來從至
此心緜細自是丹青寫殊狀願追松子蓬山上
俞神蔚先生集卷之四 十五

雲峰歌贈廬陵朱學諭

武華之峰稱最雄一峰獨秀當空中中含秀色
不可盡白雲萬古長濛濛忽然雲去峰亦開岧
峣積翠如莓苔平林曉日動高影半壁落月浮
清埃廣文先生峰下居時看峰際雲飛來白首
鬢經不得意薄游至此衆莫猜心開妙論叢未
引絳帷深坐陶羣才余亦沉淪無所得十年閑
門仍屏跡揆懷為贈雲峰歌為勒先生峰下石

小松歌贈朱山人

康河之精徂徠骨帶露凝烟纔數尺天與一氣
表貞幹蒼然已有千歲色嘗聞百抱龍鱗身青
牛伏龜最有神秀頂高盤宿鸞鳳蕭蕭獨出辭
風塵豈知異物同精氣此種應看不殊異朱君
年少如小松百抱已是松隣翁文采風流並稱
妙伎巧往往非人工我但聞之不相識題詩寄
君遙相憶

寄王憲使元美

王君才傑人共推秀眉白面玉不如鸞龍文章

俞仲蔚先生集

卷之四

十六

世稀有二十詔帝承明廬天開雲雨賜顏色

皆道君乘司馬車承恩久拜舍香署起草還成
拂衣去竭來歷使無停輪錄囚八郡多民譽矧
君巖君勢益尊致身早建非常勳黃龍戍頭破
殘賊蒸燕驕嘶沱水雲上林葡萄新結募頌功
屢著先零文君六揚旌青海濱雕戈畫戟日紛
紛英風坐變齊兒俗對酒投壺遙想君君今別
來歲月滋感君於我情更親緘詞千里若咫尺
使我醉舞當青春春風浩蕩還相待吹我遙情

度青海青海何當一遇君拂君玉帳登君壘玉
帳軒軒錦作堆帳前解鞍歌落梅此時雁去燕
還來馬色桃花相映開雁去燕來堪別恨花開
花落還相催相催還復催恨別那能別梅福尚
為南昌尉劉根未受韓衆訣何時見就玉山岑
翠釜丹鑪卧松雪

送願禹祥計偕赴京師

江南二月陽春半無朝無暮香風吹院裏梅花
皆布玉堤邊楊柳盡成絲滿堂送客催夜酒為

俞仲蔚先生集

卷之四

十七

問幾人能抗手曉色偏將別思牽別君與君情
更厚君有天骨世所稀世人皮相那得知酌酌
時時見宏量文章往往奪人奇手註道經十萬
言興來欲倒金壺沉丹砂為金古來少縱使安
期七應老自料青雲已有期濟時不合長枯槁
東辭蓬萊向金闕寂寂千門鎖秋月月中花氣
皆天香看君騎龍上天折

送太僕丞周于霄赴遼陽

漢家天子重開邊三十六苑相鉤連官奴養馬

三十萬往住蕃恩盈街阡爾來日苦用不足胡
騎憑陵恣馳逐都邑喧傳市駸馬萬里蕭條空
枵軸君今考收向遼陽到日懸知春草長庠涼
棧濕須惠養佇令蕃息皆調良千羣個儻筋骨
強矯首一一思騰驥老將見之應嘆息壯心却
復歎侯王羨君子此勲業奇不日承恩趨紫微
稱詩待駕柏梁宴回指金鞭背落暉

送梁石仲計偕赴京師

漢家宣帝稱中興能將儒術重明經白首計偕
俞仲蔚先生集卷之四 十八 其
謁明主看君即是梁丘生綠尊三月送君行遠
樹連天烟霧青處處落花啼百舌家家搖蕩春
風情況復臨期無白璧此心不惜向君傾

送納言張公遊武當山

丈人浪跡不可羈云是漢時張子房口內已辭
珪組事袖中唯有烟霞香爾來年已七十五鬢
髮未白筋力強昔遊廬山意不足今復南遊登
武當武當之高拔地數千仞勢凌五岳掩八荒
回巒皆嶂春茫茫羣仙嬉遊吹鳳凰燒金煉玉

與世絕別使天路通奇光獨有丈人能獨往問
以長生不死之藥方呼龍馭鶴紮霄上白日丹
宮朝玉皇何時歸來為我起沉痾授以雲笈分
霞爍

寄贈吳興范脩撰

長安三月尚飛雪層冰萬里生闌干胡雛弓強
挽不開攪綫帳薄絃裘單范侯蹭蹬一朝發壯
心豈暇愁春寒文章有神亦有時此時射榮人
莫知一當 明主長高價聲馳四海無風吹朝
俞仲蔚先生集卷之四 十九 齊
來謁主闈九重瓊筵綺食羅雲仗出金宮驕
駭馬風光去處搖香駿衆驚私訣疑可傳郢斤
未必人皆遍古來效顰徒自醜我今骯髒隨冥
鴻張君遠來邀我歌自愧飛沉荼爾何詞卑意
但不可盡筭茫却掩南山阿

長歌行送子與北上

子與書云今刑部尚書黃公名光昇初令長
興甚有惠政子與為童子時立見識拔恩禮
絕異公去後吏民見思為立祠五峰山中歲

久隱鬻子與厲王元美為祠記又欲得余書
勒石以新公之德其不能辭遂往至山中由
是益知黃公於子與有國士之遇今子與舉
進士名能文章為守汝寧則麟生于郊有中
和樂職之應是公誠能知人不特治行然也
夫子與之賢必當為世所慕悅而妬者卒莫
能容復以讒沮方當補官總轡言別余亦阻
風湖口聊撫長歌行一篇以見鄙志

黃公昔彈單父琴長與萬姓思至今就中徐君

俞仲蔚先生集

卷之四

廿

特秀出提携拂拭恩最深每憶公祠在五峰年
多隱翳難稱心願書新碑頌公德相邀共往蒼
山吟書罷驚看颯風雨脫贈珠裘傾百金豐狐
爛日生早霞連錢霧豹黃金花天成文章不彫
飾粉圖五雲安足誇相如落魄好飲酒鸚鵡但
佳揚呂家知君結交有終始世情恥學東流水
懷恩欲報無所惜今日君心復如此嘗為汝寧
大有聲麒麟出郊賀政成誰謂才多用翻拙青
蠅一點憎連城鯤鯨失勢制螻螻腹中五岳詎

可卒昨來別酒情更真明朝欲度浮雲征高堂
割戀聊捧檄此行豈是希榮名 聖朝雨露江
海寬胡為獨嗟行路難余亦辭君渡湖口咫尺
欲進愁濤瀾行路難日已遠素書莫寄雙鯉魚
北望長懷帶應緩

送楊別駕之大名

侯建寧人文敏公榮之後

我聞揚侯大賢後點筆能使風塵開嘗為天曹
不稱意三年官冷隨蒿萊諸公見之皆歎息豈
容久困非常才爾來聲名不可當一朝瑞氣眉
喻仲蔚先生集入卷之四 廿一講
聞黃呂虔有刀不敢佩錢鄉有蟹不敢嘗春風
三月漳河道此時相歡滿懷抱丈夫用世固有時
富貴寧須致身早嗟我閉門多苦心皆道揚
侯知我深前年過門不相值未知何地還披襟
此去雲山杳千里南來不惜寄徽音

巨黿歌送王子敬子欽兄弟會試北上

君之大父岳伯尊雄才脫畧無比倫身當逆藩
氣不奪世上猶未知公真天獨振擢公子孫君
今兄弟才力均文章璀璨皆遇賞青雲廓落辭

埃塵明年射策蓬萊殿一朝齊名共爭羨懸知
明主賜衣射復道承恩向春宴此時春草如青
袍銀鞍玉駿聯金鑿千年巨鰲掣海水時來不
為夷亭潮我今落魄如沉泥檐前烏啼人跡稀
何當遠景灼寒素使我寤寐生光輝

贈歛方同科

嗟予衰颯如窮秋十年痛首無時瘳吳綿裝輕
不暖體紫貂蒙茸長裹頭方君為詩有聲久千
里命駕來相求幽棲往往與世絕門前有刺無
俞仲蔚先生集八卷之四 廿二
人收歡然反謂太古人相知海內心最親篋中

舊草已蕪沒一見便覺生陽春建安以來誰復
知長松落落無妍姿嬌花穠葉世爭取一朝落
盡如沉泥君有奇心與余合兩日從君掃塵榻
明朝別我更有情杯中絲蟻還自傾相期共訪
黃山裏行采真茶石上烹

送蔣生歸鄖陽

春來雨雪寒惺惺鄖陽歸客那可停離離鄖樹
霧中黑冉冉江蘭烟際青天長道遠行人少此

日賢兄詠春草尊中綠蟻安可辭懸知醉後情
傾倒

送劉山人歸由拳

永嘉鮑生稱善奕于今國手人莫敵近時又得
顏與李三人往往同破的劉君五月來由拳言
嘗遇鮑纔雙先青州兄弟好竒者閉之樓上將
窮年比訪青州初識君饒先七子星滿天初疑
下手猶眼前忽驚傍擊復斜穿沉精九路盡竒
伏注視不動心確然陷之死地反得生乘危據
俞仲蔚先生集 人卷之四 廿三日

險不作聯腹中新勢日千變世上藝經空復傳
憶昔嫖姚好方畧心輕古法如纏縛始知制勝
在一時不用閒心枉踰度明年此日君何許懸
想饒人嘯儔侶安得東山起謝安任君賭取山
陰墅

郭將軍歌

漢家烽火東海傍奔鯨蹙浪吹天狼將軍受詔
辭魚門拔劍起舞心飛揚三杯走馬一萬里來
時不知道路長萬里橫行決海雲連旗轉戰日

紛紛獨當一隊破堅陣斬得名王不願勲曾養
生俘留部曲時賞金錢結心腹去年行間收奇
功果叶英謀不遺鏃功多冠軍名日高黃金刺
帶明珠袍天子非常賜恩寵臨戎大拜羅旌
旄一星光彩動西落海上春來罷宵柝身作長
城此地偏三軍解鞍但晏眠柝花駭駒獵卒田
田間草深綠如烟草深沒聲射不得將軍射之
卻盈千帳中徃徃夜擊鼓銀瓶玉缸酒如乳重
延詞客更投壺月向參橫未開戶自是將軍動
俞仲蔚先生集 卷之四 廿四

若神天聲四震無風塵古來名將誰可比直作
麒麟第一人

贈善相郁居士

先生高卧知止足背城而居面清澳梧陰滿地
六月涼晴苔一色連溪竹平疇繞舍就耕作隱
處依然自成俗秋塲夜築新穀香獨進芳醪不
辭濁仍將妙識鑿人倫坐躡烟扉走華轂嗟予
淪誤無所預雄心已盡唯肌肉自知須賤日枯
槁令我形骸轉羈束

贈性公

性公老禪僧中傑目似青蓮心似鍊天花結鬢
垂龐眉香氣隨風生頂穴心持貝葉日千遍手
拄猢猻藤百節庭前柏子菩提青階下澄澗無
惱熱經行處處歲烟霧住世無心路長絕我來
蘭若多年所自笑鳩留困于此吾師五指能四
分僧跋時時還入耳何年更乞甘露偈一灑清
涼潤肌髓

貽王元美

俞仲蔚先生集

卷之四

廿五下

北風撼天夜半來黑雲如山勢欲摧舍沙凍雨
捲飛雪空中黯黯梨花開劉伶龜手醉不得高
陽酒徒面死灰紅爐滿堂光焰短一日徒傾三
百杯長河此月無人行鄒生管裡吹作永嘉家
得意正留客暖氣偏從東海蒸誰憶袁生插扉
卧白頭敗絮相陵競

送慈谿吳志道再往邵武謁吳使君

吳君有詩合風騷能歡邵武遺絳袍唱之累月
意未已邀以再往酣春醪君今又向江南去仍

能醞藉傾吾曹我昔嘗為邵武賞時來訪我操
輕舫惜哉不遇枉空札至今寤寐思英豪春風
拂拂還送君十岷萬壑清猿聞此中邵武有佳
句解道初衣傲白雲

文內翰所藏趙魏公畫馬歌

大宛西來七十城吾聞駿馬名河精一夜飛騰
渥注水四蹄踣鍊繞山行此馬神俊久稱絕初
在眾中誰更別猛氣猶帶龍宮腥自是當時驚
汗血胡雲如花翻入空馱狀新後鳳苑中蹴踏
俞仲蔚先生集 卷之四 廿六

寒禁葱嶺雪肯隨厖馬鳴春風今之画图二馬
轉嶒崿恍惚真龍耳其匹奚官錦袍丹砂濃紫
韁掣電開金鏤拳毛颯颯勢欲動似向萬里收
奇功丹青豈能得如此嗟我魏公絕代工一筆
真能辨情性九方劾識天機同枉使黃金買枯
骨圖上空憐逸態雄

王尚書古松幃子歌

王公名以游

陵山之松世不常誰能画此生華堂壯苑高踞
得地勢氣霧匿匝森開張根株叢從自太古發

盪六氣升朝陽上枝下枝霜雪疆千葉萬葉珠
璣香泛月遙承九霄露偃盖下拂三珠光有時
變化合蒼烟紫鱗半蛻俄出淵橫室攢兩陰未
落慄淡淡黑來長天左拏右攫不相讓由來異
物難為狀徂徠蒿華何足驚對此蕭然覺神王
嘗聞伏生與偃佺自言采服乃得仙世上後者
棟梁用豈知此物能長年

金翅鳥食龍歌

西方有鳥朱識名翅羽絕勝閻浮金日食四生

俞仲蔚先生集卷之四

廿七

龍一食五百勢莫禁俄觀珍圖上画出茲鳥樣
燒天欲火乾沃焦龍王空宮白骨高蛟鼉腥臊
不充腹中有一龍拆頰流瓊膏上躡天戶驅風
霆下推地軸走百靈龍兮龍兮悅惚變化徒狡
獪未脫煩惱皆塵形始知禪那願力殊一縷可
活千龍軀手足可斷復可續忍體何惜它人須
不然天地雖廣大雄吞弱死墮苦海浩浩之劫
終與塵灰俱

獅子搏虎歌

黑雲插松岷壯氣長不開下有猛虎穴養子深
林獨往來冥冥棘徑苦竹長毒荊遠谿吹野香
東海黃公廠無力北平將軍射不得前岡有獸
筋骨竒蒙茸斗尾黃金縷須臾拉虎如拉螻咆
哮踏地聲不起腥風射沙日色死鈎爪長牙貫
心髓當時自矜百獸雄朝食赤霽暮黃熊豐毫
五色爛霞彩一朝委骨空山中又聞魏武經白
狼道逢此獸勢莫當忽驚有物扼其頰遂殺此
獸橫車傍始知勇力會有屈折時焉能恃之久
俞仲蔚先生集卷之四 廿八

不亡君不見秦興漢滅翻覆本無常千年萬年
哀國蕩秋風碧燐天茫茫

龍水圖

有客示我蒼龍圖開圖黯黯如潑墨春雷十日
飛霹靂長身天矯強極鱗甲寒腥角尾古千
年偃伏今始得出沒震蕩雲海翻珠光晶瑩日
無色虛潛萬里不以力往往反覺天地逼嗟哉
異本亦復同變化恍惚汗泥中斯須雲雨遍九
域能使枯槁皆豐形題詩與君思轉逸觀此不

獨最神筆

画竹歌贈彭明府

蕭蕭萬莖竹一一抽琅玕亭亭曉拂暎天色滴
滴夜垂空露團密葉低攢烟雨暝長根曲走蛇
蛟蟠六月赤雲燒土乾火山熱坂焦飛輪時聞
哀響激金奏此中自有清風寒又如玄冬十二
月層冰嵯峨積飛雪千山木落顏色改白日匿
景行人絕此中含彩獨青青羞比春榮競高節
古來愛此全堅貞伶倫吹之學鳳鳴遂偶雲和
俞仲蔚先生集人卷之四 廿九 雁

奏天關共協箫韶登九成
盡戾還復同天
書此日徵夔龍應知高節不為苦寒易南威赫
處但覺浙浙流清風人謂丹青有珠智象外真
能更生意

周使君丹臺五松圖歌

五松拔地無附枝霜根絞石苔
蘚皮龍鱗長身天矯疑變化
半是千年雲霧之所為旁插高崖
色如墨欲雨不雨無晴時
中有神泉百道蒸陰雷飄灑
細葉含珠璣流脂潤液長
芝草列仙之

之咸來選擇輒熟充朝飢金華太守南昌仙上
通大道合自然時能却粒養真氣紫頭唯有古
苔篇古苔冥冥絕塵想偶閱珎圖足心賞三山
自是協幽期名署丹臺未能往松風颯颯清我
襟為君微吟寫君心遙訪芝田十萬戶吹笙駕
鶴相追尋

孫少府蒲萄圖歌

嘗聞漢使來西極移植蒲萄上林側長條百丈
蛟螭蟠密葉千重烟霧色青青滿架當朱陽紫
俞仲蔚先生集卷之四 卅
瓊亂漬垂芬芳除煩解飲破甘液掩露更覺靈
味長又聞釀酒氣至醇遠過宜城曲水春曾經
武帝下神母此果豈比他方珍誰能画此意最
深為君分作滿堂陰詎知可玩不可摘終歲偏
諧靜者心

與沈隱君換馬鞍山石歌

沈君有石四十年色如積雪含秋烟連巒疊嶂
不盈尺復有洞穴多旁穿嘗聞墮地忽摧折天
骨至今皆可憐君能知我性尤僻不惜携來破

岑寂年深往往苔蘚痕自汲流泉日衝激恍疑
烟川雪欲消晶光射日驚波濤初意還君翻自
惜摩挲再拜心為勞憶昔胡公与李白曾以白
鷗換雙璧願君應自學胡公莫學相如賤頭額

險竿行

東海女兒年十三花鬟婀娜氣若蘭百尺長竿
豎平地揪身直上蓮花盞蓮花盞盞露纖足只
半蹴踏青雲端偷纏寶鏡當中心竿頭突旋如
飛鸞四肢無骨似無力東倒西傾看不得反腰
俞仲蔚先生集八卷之四 三一 舞

掛影忽疑隨千人齊呼萬人和須臾騰上勢轉
急使我愁看入還坐嘗聞陷陣劉將軍心膽願
死不顧生見之往往氣欲奪擲與金銀稱絕能
始知大娘舞劍器一時見之以為異試看今日
險竿兒自是人間不常事

贈詹生龍澗

憶昔嘗游虞仲山山陰半日長松間松長草深
人絕跡惟有破龍之水流潺湲詹生歌聲若流
水家住澗南無十里一杯一曲聲轉清朱陽遲

遲如有情曲終相顧不能起何日再聽還洗耳
送太倉宋學官遷國子助教

宋公有才不過時屢試春官人罕知低頭受賤
東海上三年教成聲始馳尔來補官官獨冷有
才不過將何為吾聞天子方急賢况復四海多
瘡痍此時用世在公等如公豈合長數竒春風
吹雪寒淒淒征車彭彭往京師逢時不用九府
辟一日騫騰知是誰

秋夜長

俞仲蔚先生集卷之四
木葉微脫夜初長白苧蕭瑟休清康同卷相從
樂未央思君豈遠終異疆明月無心直入房翠
盃金爵徒悲傷妾獨有此未敢嘗

送吳純甫會試之京師

吳地一尺水長安一文雪青纒帳薄狐裘單燕
姬白首琵琶折吳君磊落天下稀苦寒之聲安
足悲青眼長鳴蹴寒月對此可以增光輝風塵
踴蹙亦何為寒盡雒陽春叢時紛紜射策長楊
殿裊娜金堤御柳絲紫清陸離金碧瓦羽林侍

兒梳花馬梳花馬珊瑚鞭君但乘之朝玉京我
騎白鹿昇青天

老将行

君不見黃河之水戰士血萬里胡霜白於雪巔
崕惟谷常陰陰北風吹落天山月自從辭家賀
蘭走并置中原忽已久戰馬吞聲風土惡未戰
癰疽生左肘殺氣如雲衝北印死生半隨強胡
手燕姬對舞擁貂裘胡兒半醉歌莫愁歌聲別
是胡人語老将聞之淚如雨焚火白骨燒軍營
俞仲蔚先生集入卷之四
三三
齊
力盡戎行未有名一戰空城死麾下樹勛幸免
咸陽系

送徐对明觀察之武昌

昔日景王初在藩勢欲併兼方橫行君為荊州
不如吐身投熾焰鴻毛輕壯節難伸即易屈十
年困躓逢時清天子聰睿過周成公弼戮力皆
忠貞芳蘭擢拔無遺本看君此時致身穩赤心
却主不顧私三絲武昌楊柳枝事平偽顯名愈
出豈如往歲多淹遲沅湘未必離憂地富貴大

抵非人為自余知君各不疑爾來已是深相知
追隨杯酒意不盡千里長江勞夢思

郎官柏歌贈許給事

郎官種柏今幾春託根乃在玉山之白雲中心
十圍養精氣時流汁液通奇芬蒼皮點點莓苔
色赤勳徃徃波濤文堅貞寧避雪與霜正直還
堪棟作梁地清邇得塵埃雜葉密偏舍日月光
泰山千株詎足數華林兩樹不相當未央神鶴
時能過中臺老麝自飄香別有離離實最良仙
俞仲蔚先生集 卷之四 三四
人却取長生方此日珠圖寫殊狀挂君青璫之
高堂願比南山歌壽昌與地芎久天齊長

送施和道北遊

春來無花雪作花落蒼半落山人家朝扉不開
花滿地昨夜故人尺書至畫中徃徃傷春心復
道離家北游事開書感君仍送君長安貴人誰
寂親如君豈是憔悴者片言合意皆陽春昔日
杜南歌莫哀能開抑塞磊落之奇木君聽我歌

亦如此會看一日辭蒿萊

楊花舞歌

武昌城頭啼早鴉，章臺長條俱作花。邯鄲小婦少留家，衝花拂曙藏香車。官渡營前日欲斜，春風一夜繞天涯。塞外征人衣帶緩，青冢雖青草猶短。學得新聲調細管，無事亂吹腸。即斷柝花紅顏安得常，婉婉思厚酒濃莫辭滿。

竹枝舞歌

巴丘雨多無絕時，江蘭萎謝汀芷稀。唯有檀欒青竹枝，含烟泣露無改移。巴人能歌還制詞，流俞仲蔚先生集八卷之四三五百
積度曲令參差，管清調急月將落。風輕裏長卷秋葯，瀆房曲筵隔阿閣。噉雲玉杯細斟酌，人生百年能得幾時樂。願保貞心永照灼。

幽蘭舞歌

春風吹罷鷓鴣悲，沅湘草長無路垂。垂璫紉珮，停路歧。獨采芙蓉涉江湄，幽蘭孤貞世難知。雖有芬芳當過時，盛年流邁不淹遲。朱唇含笑復含悽，熾熾素手弄朱絲。一聲一聲故愛移，何為九山連綿名九疑。令人咨嗟枉相期。

梅花舞歌

璇閨繡幕鈎曲瓊中庭紫梅無葉生長條匝
先着花花當窓自分明芬菲麝烟流日精吳
刀楚製安足營美人至此久沉吟不顧博山鑪
中蘇合香不顧頭上金爵玳瑁之寶簪願得一
枝寫春心含膏變微翻入清吹音清夜歡娛極
當今

方壺圖歌壽太倉守孫侯太夫人

青冥無塵玉作天珠樹萬丈羅紫煙銀濤高翻
俞仲蔚先生集入卷之四 又卅五

洗日月方壺負嶠數鈎連緱山之鶴不知老朝
飲瑤池暮瑣田羽毛如霜六月寒道遥亶翔駕
群仙龍魚凌風弄海水空中笑傲飄飄然安期
羨門不可問靈砂飛丹知幾年芙蓉為衣顏色
解時騎白鹿戲雲間青童佃嬉玉女舞雙雙微
吟大曆篇西辭倏忽崑崙嶺東遊滄海意渺綿

襪祥雜沓相周旋讙州甜雪羅綺筵堂中今有

太夫人冰霜不數南岳賢髮白更黑玉齒堅蘭

蓀滿地開金萱願得人仙齊獻壽後而老還童顏

夜猿啼

夜猿啼朝啼人不覺夜啼聲更悽悽明月夜
度月落已西月向西落山從楚塞分常時接
山鬼幾處吊湘君聲斷罷還續近聽復遙聞近
聽似舍巫峽雨遙聞已入蒼梧雲蒼梧巫峽杳
冥冥萬古 愁生此夜聲那將棄婦出詎遣逐
臣行夜猿啼夜啼聲更長切切冷冷驚落葉遙
遙夜夜雜繁霜山悲能吞響聲多自斷腸君不
見垂藤古木聲最多三聲雷震柰若何何為離
家遠相過又不見激楚回風音更促若比猿啼
非怨曲緘情凝思不忍聽自知無愁愁自足

王穀祥画五色牡丹歌為永加王大衆題

俞仲蔚先生集入卷之四

三六一

百花開在牡丹前細碎飄零那可憐獨有牡丹
春盡發花開別是一般妍千房膩紫風吹圻萬
朶嬌紅日炙鮮嫩白輕黃亦無數凝情轉態相
縈牽石家蠟燭寧須火荀令香鑪不帶烟戲蝶
雙雙求粉入游蜂隊隊抱香眠此花不信人間
有占得春光半月天江北江南同此月傾城傾

國被花顛吳綃窓下剪難好蜀錦江邊織未便
一過名工揮彩筆珍圖已向高堂懸濃調五色
爛霞景富貴真堪助綺筵不在衛公宅畔迷彫
佩不在西明寺裡媚青蓮海上桃花開不落臺
中柏樹老還堅試比年年團上色聊將一曲奏
神仙

贈戴郎

戴郎識曲音調精馬融長笛子晉笙舍宮激羽
抑隱輕好作龍吟兼鳳鳴繁音促節時代轉能
俞仙蔚先生集八卷之四 三七
倚嬌歌成一聲閒館曲房聲最清春江花月又
多情香車裊近時畝聽寶馬迴鞭不肯行若使
揚朱唇按玉指管中蘭氣吹入耳不須曲終便
欲死

晚山庭

黃鷹獨過山庭暮欲語不語顏色苦岬高青草
叫乱蛙風急漁船暗燈火

讀管晏傳有感

憶昔管晏稱才雄奔走諸侯天下空兵強國富

衆莫敵匹夫能成震主功子長記事不及此只
記知人與知己鮑州之賢曰友生石父之賢起
妻子知己知人良獨難此事豈在形骸間嗟余
淪落無所遇白日焦紅忽頽暮已知此世無兩
公自合辭舌埋蒿蓬

龍劍出匣歌

君不見匣中劍寶光射天天為寒况當玄冬十
二月海水百丈生闌干君今匣之走長安龍精
感氣雷盤盤忽驚出匣人競看尚方之劍青斑
俞仲蔚先生集入卷之四 三八
斑無乃古澁存空觀豈若此劍新出匣 天子
何不急用之坐使四海皆安瀾

天馬歌

漢之武王好武功西通雪嶺西萬里塵沙空時
有天馬汗赤血工從前膊小孔中目掣電尾捎
風渥洼水底騰真龍單于小隊未曾識駑駘萬
匹相雌雄豈知異物生異域一來入御驚天聰
新開首蒼苑同築葡萄宮皇帝坐明堂歌馬德
巡五岳拊八極小臣再拜稱萬壽百姓安樂忘

帝力

寒鷓吟

高堂羅幕摧雕栒，九華帳中辭錦衾。寒鷓蕭蕭
落木陰，不隨嬌鳥啼春花。獨自含思怨暮深，寒
鷓吟愁人心。

虎丘茶歌酬周仲子

君昨遺我虎丘芽，不數仙掌丹丘茶。婆婆百本
祇園裏，年年採摘供豪家。家分鉢而貴金玉，何
辛緘封到茅屋。不信能令羽翼生，先試細花浸
新綠。新綠吹香露芽早，厥稱酒德稱茶道。憐君
亂踏虎丘雲，使我胸中蕩憂抱。

俞仲蔚先生集

卷之四

三九叶

清明得出字前于後

少年意氣誰得當，一生結客在平陽。競逐風光
行樂處，千金醉宿邯鄲娼。邯鄲花底迷朝日，睡
起相看意逾密。更將留宿待來晨，欲笑還啼歌
舞出。

送徐郎中子與還汀州太守

使君有逸翮，脫畧辭風塵。清水玉壺映寒雪，投

軀早致要路津一從受命彤庭裏揚眉轉眄白
日新深徃豈無鄧陽客密網一解天地春興來
灑筆如有神雕文藻思稱絕倫論交未許當世
士何意遠顧蓬蒿人邀歡痛飲不作難傾蓋忽
復欣盈旬物情徃徃棄疵賤高義特與風期親
由來賤賤非所惜憐我傾家無甌石鳧翁濯錦
朱提銀箏中黃潤織葛勾窮愁鄒得復有此使
我驚起仍悲辛鷄鳴時山葉滿乍逢還別腸
堪斷一辭仙署越江邊荔枝花黃南雲暖雲光
俞仲蔚先生集八卷之四 四十
海色花氤氳使君之去乘朱輪千嶽萬壑開大
府盡令草木含清真空庭宛宛見白鹿歲歲扶
輪慰風俗漢家循吏十八人却掩焉名待君足
君行幾時可得還目極萬里心茫然清光可望
不可挹門前流水空潺湲祇應別後書來少不
惜先傳臨海篇

送鄒駙馬獻壽還京師

將軍風骨無塵容十六尚主明光宮是時天
子多隆眷殿頭騎出浮雲馳高門甲第連朱邸

寶蓋香車若流水時傳賜予出金銀鸞簫鳳管
天中起鳳管鸞簫散綵烟平陽歌舞歌芳年
天子重憐禁纓塔承恩日日去朝天此日恩華
真莫比願得捐軀報 天子批鱗一諫世莫知
自言臣罪當誅死去國三年秋復春拂衣長嘯
謝時人苦心往往申長句古意時時追隱淪興
來每汎清江曲復得尋山徧春谷紛紛磻戶百
重花癡癡雲房一藪竹磻戶雲房非世情丹砂
可學幾時成清都咫尺九天上又欲騎龍朝
俞仲蔚先生集入卷之四 四一武

帝京帝京迢迢三千里獨抱丹心未能已龍顏
會解自有時時來不得推真理裛榮反覆本無
端自是如天法令寬聞道形庭初獻壽春風幾
日到長安

訓王敦文推官寄建紹秋蘭兼要游武夷

山

建紹之山多翠沙中積翠生蘭花人家遠山
得花種朝朝賣花衝曉鷗王君有古詞詔少詔
息時平散衙早時披花譜記澆時庭前種蘭如

種草去月人來惠我書自副盂蘭花尚舒提携
走險二千里開書對花存起居君名藉藉滿羣
口我病虛煩歷時久花氣依人每欲瘵見君為
人情更厚復道武夷天下殊青崖拔地無根株
九谿灣深洗嵯脚悅疑天鏡開蓬壺仙事紛紛
遺白杵昨暫躋攀欲輕舉此時孤賞恨莫同邀
我相携入雲去遙勗蘭友期歲寒欲往不得空
長歎秋清興遠隔天末日照瓊枝思所歡

安樂謠贈南陽太守徐子言

俞仲蔚先生集卷之四 四二

使君握虎符赫赫專城居奉公守正法令至簡
吏民不侵漁化姦為良銷劔為鉏盜賊稀息囹
圄以空虛 農田盈原野苗蔬頽密百姓殷富
家有河渠書田曠至喜三年耕有九年之儲
吏廩食道旁烏糞攫肉不能驅斑叟不負戴齒
稚不掩錐市無豫價道委遺金咸知禮讓若愚

廉廩直繩當義不躊躇卒逢艱虞皇帝賢明

登用俊又使君願得輸力宣布德化歌之於康
衢 使君行野伏熊軾乘斑輪百姓安樂鳳凰

翔於郊神雀集其庭連理並植芝草叢生前有
名父後有杜母今徐君世世有賢名

送梁伯龍游太山西登嵩少遂入秦中望

寒垣詩一首

梁生四十仍落魄往往壯心兼壯遊東行還訪
二千石愛看海市經萊州珠璣五色散文錦挂
席獨徃窮冥搜自言四月上泰山雲霧穿窟青
冥間金泥玉檢復安在七十二君空徃還天門
浩蕩望不及中歎白日凋朱顏興來却感濟南
生一冠已挂鴻毛輕嘗登太華五千仞攀崖躡
磴隨烟升著書時誇建安作舉世未許人知名
去冬書來通我心惠盈一帑喜欲驚爾到須開
蔣生徑倒屣出戶權相迎相權相憶復堪嗟西
辭嵩少採三花更向秦關窺紫塞咸陽萬里飛
胡沙悲笳亂動秦關月胡沙茫茫皎白雪剌龍
漢使髮垂銀射鹿胡奴淚成血此間王公我所
親只今海內惟知音時參大府政多暇一見能
使無歸心人生行樂自有期我為長歌遠致之

春風鴻雁南來少莫懶鄉書慰所思

龍引駕黔中八景圖歌

三江浩浩波連山金龍嵯峨出雲間遙看落日
下蒼藹孤帆不動浮澄灣還聞三洞剖半壁攢
靈壘塔與世隔一朝神界救花坊自是游塵日
交積別有孤峰削不成天開秀色青崢嶸昭王
空營古爲井寒泉明青波曉霧暗迷鷺沅汀夜
月流光晶又聞藕卷香爛熳溢金塘駢枝並蒂
吐祥藂能使寸彥揚芬芳始知黔中腴槩天下
俞仲蔚先生集卷之四 四四
無移束彩翠爲珍圖龍侯逸興足蕭爽新詩往
徃含隋珠只今惠政多美譽清謠已結滄洲隅
行將上最列九府何必長吟思故都

葉氏棠竹草堂歌

莊公少年拜夕郎日有封事能勤王後來受位
擁羅虎長榮大功在朔方又聞頌表衆益稱朱
絲之繩玉壺冰天曹洗手天子驚五世不減
清貧聲摩挲九流十萬卷欲貯一楹終不成先
題棠竹系書目於今獨有空堂名公之玄孫俊

且良積風已至將翱翔家藏遺書日編輯好述
祖德新為堂唐時相國李贊皇筆筆自記予采
庄奇花恠石徧嶺谷斥逐未久皆夷荒如公子
孫真善述昔志未遂今能償始知古來貽謀貴
樹德然後一世可至百世藉藉垂芬芳

歲晏逢二子行

二子徐使君子
与王副使元美

憶昔少年好竒俠心輕豎儒鄙章句高歌寶劍
視白日青天低昂忽驚暮古人徃徃猶眼前結
友臨淄不能赴中遭病困無所逢幸逢二子肝
命仲蔚先生集入卷之四
四五
瞻同時來顧我喜欲死壯心已落蓬蒿中誰知
二子多憔悴素標挿頭又何遽既來且復不須
史明朝別我東西去歲晏相看淚欲滋飲以定
州劃花瓷顏子痛飲勿復遲

送周孺允計偕赴上都

君家巖君不顧身能以直諫批龍鱗無人為脫
北門厄間關萬里窮悲辛大名難摧倖豎死一
朝獻細承明裏天聰忽悟迴恩榮皆道山東謝
安起

公名廣

武宗時為御史奏劾錢寧被
譴間道脫走寧誅累遷至南刑部侍郎

向

來事往五十年看君壯心六復然讀書萬卷意
猶少往往落筆人爭傳時清運濶苦未達高歌
贈澄涼風前聞道石渠開寶書羣才絡繹無閑
居此時蔡公薦文禮騏驎何必終鹽車與君抗
手動秋色空懷逸興城東廬

徐汝寧被播後經吳門周公瑕王元美兄
弟戴涓邀泛石湖分韻得容字

使君有寸不可當青萍出匣生寒芒文章未為

當世用化作繞指蛟龍藏西辭汝水二千里五

俞仲蔚先生集

卷之四

四六

月道路空荒涼一朝遂為吳門客往往論心重

金石爭歡置酒浮大舟遙泛明湖入空碧空碧

沉沉夏葉多雲房澗戶聊相過舉杯慷慨邀落

日伸眉恥作夷門歌虛舟但養揚州鶴袖裏時

驚出新作從茲一別五湖西何日尋烟弄丹壑

南山虎皮歌酬曹昭服

曹生工文格不卑結客好侯仍好奇高秋獨夜
露肝膽贈我南山真虎皮山深氣偏鬱奇色萋
萋短毛皆勁直燁如松花落粉生片雲又如松

心裂作純漆文斑爛疑向霧中出林光日氣
相氤氲長尾橫拖霜瓜稀稜稜尚有百步威却
思向日深山裏鬼哭時聞穴中起野麋竹兔蓋
無聲正畫橫行入村市自是雄心不復猜身陷
獵圍難再開留得空皮長高價糴絀淺織慚毯
摠卷置高齋時感生累日拂拭生豪情黃昏燭
照勢欲動黑夜河翻看每驚更憐垂老興未已
長嘯還歌猛虎行

屈初畫古松

俞仲蔚先生集

卷之四

四七

古松龍蕞多異色獨立空山人莫識斂皮蹙背
莓苔痕屈鐵攢柯半成墨千葉齋生九粒竒落
花滿地香風吹含烟不動拂雲日長疑黑處藏
妖魘誰知画者意更別移向高堂景尤絕豈若
推沒空山時相與蒼藤老霜雪

憫匏尊

并序

吳少君越人也性好名山六時遣意翰墨往
來多寄跡佛寺中嘗取匏精佳者日摩挲之
遂瑩澤色如蒸栗乃上通一竅腹傍作味以

淡紫細竹寸許為之其一傍以天台垂藤千
手蟠結者作把手名曰匏尊清古純朴可以
敵金壘玉尊之貴率提携自隨遇盜致毀賦
此憫之

吳君匏尊天所成狀如鳩夷臍下卒紫琳一寸
味生腹蒼藤背工蟠蛟精摩挲萬徧變本質色
奪蒸栗別有筋汗里提携呼幾年舍光射日輕
且堅中藏雲漿可一斗飽誇飲之能得僊昨來
憔悴荏苒間此尊已毀心茫然此尊雖毀此道
俞仲蔚先生集八卷之四 四八
存一身去住唯空門今日相逢且傾倒賴有鷗
冠葛屨隨君老

送柴都事虞叙之越中

我聞越水遠碧山千巖萬壑流潺湲皎如明河
落天半空濛灑出浮雲間浮雲捲盡碧山月使
人對此無厭歇山中月色長向君薄領紛紛自
可輕綠尊取醉肯辭劇碎務何足羈豪情自憐
淪落無知音送君一去愁吾心遥望名山不可
到冥搜却賦夢遊吟

贈楊將軍

將軍八尺才且雄樓舡獨出雲海東紅雲如山
駕白日波濤浩蕩開鳴濛鴻濛雲海蠻夷居雕
悍恣虐稽天誅徵兵羽檄徧羗落連年失律勞
訐謨是時將軍能奮勇誓身百戰天為動頻聞
獻捷功最多

天子憑軒賜新寵加諸將恩最饒玉帶麒麟
紫錦袍連營十萬盡高枕威聲不復浮腥鼉夫
人堂上開慈宴共喜黃星照吳甸承顏委曲真
俞仲蔚先生集入卷之四 四十九
嬰兒指點中厨出珍膳初傳冬笋味絕殊復有
冰鱗玉雪飛涼風滿坐會賓客願將萬壽停朱
暉可憐慶門忠與孝毋享高年子年少他時作
頌有楊雄壯候千古還同調

